



周易反正

訓

服部文庫
117
136
3



117
136
3

周易反正卷第三



上彖傳

彖吐亂反傳直戀反以下諸篇放此

日本 信陽 太宰純 撰



陸德明云彖斷也朱熹云彖即文王所繫之辭傳者孔子所以釋經之辭也後凡言傳者放此純謂彖謂卦辭即文王所繫以斷一卦之吉凶者也孔子釋之亦謂之彖乃彖之傳也經既分上下故彖象傳亦皆分上下

大哉乾元萬物資始乃統天

大哉者歎天德之太也元大也始也善之長也在

易乾為天坤為地而乾坤皆有是德故二卦象傳皆言元也然不單言元必繫乾坤而言之者所以贊天地之德也資取也言萬物之生皆取是德以為始也統總也天地之大德曰生故乾元乃總天德也

雲行雨施品物流形

施始鼓反

朱熹云此釋乾之亨也純謂雲行雨施喻天德之流行也雲雨其著者也品物流形者造化之功也

大明終始六位時成

此言聖人畫乾卦以象天也終始者一卦之終始

也六位謂六爻之位也六爻各有其時而成故曰時成也

時乘六龍以御天

此言聖人居天位以行天道必則乾道也

乾道變化各正性命保合大和乃利貞

此言乾道也乾道不變化不能生物變化即造化也生之謂性言乾道變化以生萬物萬物各正其性命也保謂不壞也合謂不離也和者不乖戾也大和者天德也言萬物保合大和則各安其生乃仍利於貞也朱熹云此釋利貞也

首出庶物萬國咸寧

此言聖人在位則乾元以治天下而天下平也首出庶物者文言所謂聖人作而萬物覩也咸皆也寧安也

至哉坤元萬物資生乃順承天

孔穎達云至謂至極也純謂至哉歎地德之至也萬物資乾元以為始始謂氣初也資坤元以生生謂成形也順者坤德也承天者地道也

坤厚載物德合无疆含弘光大品物咸亨

疆或作墻同居良反

坤厚載物者地德也无疆謂地也德合无疆言坤

德合於地之无疆也含弘者容物之量光大者成物之功皆以地而言坤有是德故品類之物皆得亨通也此言坤之亨也

牝馬地類行地无疆柔順利貞君子攸行

牝頻忍反

朱熹云馬乾之象而以爲地類者牝陰物而馬又行地之物也行地无疆則順而健矣柔順利貞坤之德也君子攸行人之所行如坤之德也純謂此言坤之利貞也

先迷失道後順得常西南得明乃與類行東北喪明乃終有慶

喪息浪反

失道者失坤道也得常者得坤道之常也西南陰方坤徒與其類行而已東北陽方坤往而喪明求耦乃有作成之切故曰乃終有慶也

安貞之吉應地无疆

朱熹云安而且貞地之德也

屯剛柔始交而難生

且難乃反

朱熹云以二體釋卦名義始交謂震難生謂坎純謂始交而未相感通故難生也

動乎險中大亨貞

朱熹云以二體之德釋卦辭動震之爲也險坎之

亨行而當其可也志應者二剛明五柔暗故二不求五而五求二其志自相應也以剛中者以剛而中故能告而有節也瀆筮者二三則問者固瀆而告者亦瀆矣蒙以養正乃作聖之功所以釋利貞之義也

需須也險在前也剛健而不陷其義不因窮矣

朱熹云以卦德釋卦名義

需者孚光亨貞吉位乎天位以正中也利涉大川往有切也

朱熹云以卦體及兩象釋卦辭純謂位乎天位謂

九五也

訟上剛下險險而健訟

朱熹云以卦德釋卦名義

訟有孚窒惕中吉剛來而得中也終凶訟不可成也
利見大人尚中正也不利涉大川入于淵也

窒張栗
反惕他

朱熹云以卦體卦象釋卦辭純謂剛來而得中謂

九二也

師象也貞正也能以衆正可以王矣

王往
况反

朱熹云以卦體釋師貞之義以謂能左右之也一

地也孔穎達云大亨即元亨也不言利者利屬於

貞故直言大亨貞

雷雨之動滿盈天造草昧宜建侯而不寧

序卦云屯者盈也孔穎達云屯有二義一難也一

盈也上既以剛柔始交釋屯難也此又以雷雨二

象解盈也草謂草創昧謂冥昧朱熹云以二體之

象釋卦辭雷震象雨坎象天造猶言天運草雜亂

昧晦冥也陰陽交而雷雨作雜亂晦冥塞乎兩間

天下未定各分榮明宜立君以統治而未可遽謂

安寧之時也不取初九爻義者取義多端姑舉其

一也純謂天造王弼以為天地造始之時也此說
得之

蒙山下有險險而止蒙

王弼云退則困險進則闕山不知所適蒙之義也

朱熹云以卦象卦德釋卦名有兩義

蒙亨以亨行時中也匪我求童蒙童蒙求我志應也

初筮告以剛中也再三瀆瀆則不告瀆蒙也蒙以養

正聖功也告古毒反瀆音獨

朱熹云以卦體釋卦辭也九二以可亨之道發人
之蒙而又得其時之中謂如下文所指之事皆以

陽在下之中而五陰皆為所以也能以衆正則王
者之師矣

剛中而應行險而順以此毒天下而民從之吉又何
咎矣

朱熹云又以卦體卦德釋丈人吉无咎之義剛中

謂九二應謂六五應之行險謂行危道順謂順人

心此非有先成之德者不能也毒害也師旅之興

不无害於天下然以其有是才德故民悅而從之

也

比吉也

比毗志反

郭京舉正云比吉吉字下誤增也字朱熹云此三字疑衍文純謂比吉二字舉經文而下二句釋比之所以吉也舉正近是當以也字為衍文朱注未知是否

比輔也下順從也

朱熹云此以卦體釋卦名義純謂下順從謂眾陰順從九五也

原筮元永貞无咎以剛中也下寧方來上下應也後夫凶其道窮也

朱熹云亦以卦體釋卦辭剛中謂五上下謂五陰

小畜柔得位而上下應之曰小畜

畜教六反

朱熹云以卦體釋卦名義柔得位指六居四上下謂五陽

健而巽剛中而志行乃亨

朱熹云以卦德卦體而言陽猶可亨也純謂剛中謂二五也

空雲不雨尚往也自我西郊施未行也

施始鼓反

朱熹云言畜之未極其氣猶上進也

履柔履剛也

朱熹云以二體釋卦名義

說而應乎乾是以履虎尾不咥人亨 說音悅咥大結反

朱熹云以卦德釋象辭

剛中正履帝位而不疚光明也 疚久又反陸本作疾

朱熹云又以卦體明之指九五也

泰小往大來吉亨則是天地交而萬物通也上下交

而其志同也內陽而外陰內健而外順內君子而外

小人君子道長小人道消也 長竹大反

此以卦象卦體卦德言之凡卦爻在內為來在外

為往

否之匪人不利君子貞大往小來則是天地不交而

萬物不通也上下不交而天下无邦也內陰而外陽

內柔而外剛內小人而外君子小人道長君子道消

也 否備鄙反長竹丈反

或謂之匪人三字衍文見朱熹經注此亦以卦象

卦體言之正與泰卦相反然於泰曰上下交而其

志同也此則曰上下不交而天下无邦也者否塞

之害邦國亡滅不啻其志不同也於泰曰內健而

外順此則曰內柔而外剛健順德也剛柔性也小

人不可言德也

同人柔得位得中而應乎乾曰同人

朱熹云以卦體釋卦名義柔謂六二乾謂九五

同人曰

朱熹云衍文

同人于野亨利涉大川乾行也文明以健中正而應君子正也唯君子為能通天下之志

朱熹云以卦德卦體釋卦辭通天下之志乃為大同不然則是私情之合而已何以致亨而利涉哉純謂乾行謂乾之所行也

大有柔得尊位大中而上下應之曰大有

朱熹云以卦體釋卦名義柔謂六五上下謂五陽

其德剛健而文明應乎天而時行是以元亨

朱熹云以卦德卦體釋卦辭應天指六五也

謙亨天道下濟而光明地道卑而上行

下選嫁反濟節計反上時

孔穎達云下濟謂降下濟生萬物也光明謂三光垂耀而顯明也朱熹云言謙之必亨

天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之

終也虧馬木作毀惡鳥路反母時報反

孔穎達云虧謂減損也朱熹云變謂傾壞流謂聚

而歸之人能謙則其居尊者其德愈光其居卑者人亦莫能過此君子所以有終也

豫剛應而志行順以動豫

朱熹云以卦體卦德釋卦名義純謂剛謂九四應

謂上下五陰

豫順以動故天地如之而況建侯行師乎

朱熹云以卦德釋卦辭

天地以順動故日月不過而四時不忒聖人以順動則刑罰清而民服豫之時義大矣哉忒他得反

其此贊辭也時義者中庸所謂時措之宜也

隨剛來而下柔動而說隨

下遐嫁反說音悅

王弼云震剛而兌柔也以剛下柔動而之說乃得

隨也純謂剛來而下柔以卦體言之動而說卦德

也此二句釋卦名義

大亨貞无咎而天下隨時

舉正云大亨下脫利字時王肅作之

朱熹云釋卦辭言能如是則天下之所從也

隨時之義大矣哉

王肅本作隨之時義

此贊辭也

蠱剛上而柔下巽而止蠱

朱熹云以卦體卦德釋卦名義蓋如此則積弊而

至於盡矣

蓋元亨而天下治也利涉大川往有事也先甲三日

後甲三日終則有始天行也治直更及先息
薦及後胡豆及

朱熹云釋卦辭治盡至於元亨則亂而復治之象

也亂之終治之始天運然也

臨剛浸而長長竹
丈及

朱熹云以卦體釋卦名

說而順剛中而應說音
悅

朱熹云又以卦德卦體言卦之善純謂剛中謂九

二應謂六五

大亨以正天之道也

朱熹云當剛長之時又有此善也

至于八月有凶消不久也

朱熹云言雖天運之當然然君子宜知所戒

大觀在上順而巽中正以觀天下

朱熹云以卦體卦德釋卦名義純謂中正謂九五

觀盥而不薦有孚顒若下觀而化也顒魚恭及下觀
如字下文觀天

同

朱熹云釋卦辭

觀天之神道而四時不忒聖人以神道設教而天下

服矣忒他

此贊辭也朱熹云極言觀之道也四時不忒天之所以為觀也神道設教聖人之所以為觀也

頤中有物曰噬嗑噬市世反

朱熹云以卦體釋卦名義

噬嗑而亨剛柔分動而明雷電合而章柔得中而上

行雖不當位利用獄也上時

朱熹云又以卦名卦德二象釋卦辭純謂柔得中

而上行謂六五

賁亨貴彼

朱熹云亨字疑衍

柔來而文剛故亨分剛上而文柔故小利有攸往天

文也文剛文柔音問上時掌反舉正

此以卦體釋卦辭柔來而文剛謂六二文初三分

剛上而文柔謂上九文四五也王弼云剛柔交錯

而成文焉天之文也

文明以止人文也

朱熹云又以卦德言之止謂各得其分

觀乎天文以察時變觀乎人文以化成天下

此贊辭也

剝剝也柔變剛也

剝邦角反舉正云剝剝落也今本脫落字

朱熹云以卦體釋卦名義言柔進于陽變剛為柔也

不利有攸往小人長也順而止之觀象也君子尚消

息盈虛天行也

長竹文反

朱熹云以卦體卦德釋卦辭

復亨剛反

朱熹云剛反則亨

動而以順行是以出入无疾明來无咎

朱熹云以卦德而言

反復其道七日來復天行也

反復等福反

朱熹云陰陽消息天運然也

利有攸往剛長也

長竹文反

朱熹云以卦體而言既生則漸長矣

復其見天地之心乎

朱熹云積陰之下一陽復生天地生物之心幾於

滅息而至此乃復可見也純謂天地活物故言心

也此言觀於一陽來復之卦有以見天地之動竟

无息也

无妄剛自外來而為主於內

此以卦體言之剛自外來謂震也為主於內謂初九為震主而在內也

動而健剛中而應大亨以正天之命也

動健上下二卦之德也剛中謂九五應謂六二此亦以卦體言之以明卦辭元亨利貞乃天之命也

其匪正有眚不利有攸往无妄之往何之矣天命不祐行矣哉

情生領反

朱熹云其有不正則不利有所往欲何往哉蓋其逆天之命而天不祐之故不可以有行也

大畜剛健篤實輝光日新其德

畜教大反

朱熹云以卦德釋卦名義佳賴始言四而中言

剛上而尚賢能止健大正也

朱熹云以卦體卦德釋卦辭純謂剛上謂上九尚

賢謂六五尊尚上九也

不家食吉養賢也

朱熹云亦取尚賢之象

利涉大川應乎天也

朱熹云亦以卦體而言純謂天謂下卦之乾也

頤貞吉養正則吉也觀頤觀其所養也自求口實觀其自養也

朱熹云釋卦辭

天地養萬物聖人養賢以及萬民頤之時大矣哉

此贊辭也

大過大者過也

朱熹云以卦體釋卦名義

棟橈本末弱也

朱熹云復以卦體釋卦辭本謂初末謂上弱謂陰

柔

剛過而中巽而說行利有攸往乃亨

說音悅

朱熹云又以卦體卦德釋卦辭純謂剛過而中謂

二五

大過之時大矣哉

王弼云是君子有為之時也朱熹云大過之時那

有大過人之村不能濟也故歎其大純謂此一句

贊辭也

習坎重險也

重直龍及舉正之習字上亦脫坎字

朱熹云釋卦名義

水流而不盈行險而不失其信

朱熹云以卦象釋有孚之義言因實而行有常也

純謂水性能流而不能盈盈坎則行就下流濕是

水之信也

維心亨乃以剛中也行有尚往有功也

朱熹云以剛在中心亨之象如是而往必有功也

純謂剛中謂二五也

天險不可升也地險山川丘陵也王公設險以守其

國險之時用大矣哉

此贊辭也天之不可階而升是其險也山川丘陵

則地之所以為險也王公因天地之險而設高城

深池以守其國知慢藏誨盜之罪故也險之時用

豈不大哉

離麗也日月麗乎天百穀草木麗乎土重明以麗乎

正乃化成天下

土王肅作地重直龍反

信陽太字然撰

王弼云麗猶著也朱熹云釋卦名義

柔麗乎中正故亨是以畜牝牛吉也

朱熹云以卦體釋卦辭純謂柔麗乎中正謂六二

也

周易反正卷第三終

此贊辭也

恒久也剛上而柔下雷風相與巽而動剛柔皆應恒
朱熹云以卦體卦象卦德釋卦名義

恒亨无咎利貞久於其道也天地之道恒久而不已
也

朱熹云恒固能亨且无咎矣然必利於正乃為久
於其道不正則久非其道矣天地之道所以長久
亦以正而已矣

利有攸往終則有始也
朱熹云久於其道終也利有攸往始也

日月得天而能久照四時變化而能久成聖人久於
其道而天下化成觀其所恒而天地萬物之性可見
矣

此贊辭也

遯亨遯而亨也剛當位而應與時行也遯徒
遯反

朱熹云以九五爻釋亨義

小利貞浸而長也長行
大反

孔穎達云浸者漸進也朱熹云以下二陰釋小利
貞

遯之時義大矣哉

朱熹云陰方浸長處之為難故其時義為尤大也
純謂此一句贊辭也

大壯大者壯也剛以動故壯

朱熹云釋卦名義以卦體言則陽長過中大者壯
也以卦德言則乾剛震動所以壯也

大壯利貞大者正也正大而天地之情可見矣

朱熹云釋利貞之義而極言之

晉進也

朱熹云釋卦名義

明出地上順而麗乎大明柔進而上行是以康侯用

錫馬蕃庶晝日三接也

上行時
掌友

朱熹云以卦象卦德釋卦辭純謂柔進而上行謂

六五也

明入地中明夷

朱熹云以卦象釋卦名

內文明而外柔順以蒙大難文王以之

難乃且
及下同

陸德明云蒙猶遭也一云蒙冒也朱熹云以卦德

釋卦義蒙大難謂遭紂之亂而見囚也

利艱貞晦其明也內難而能正其志箕子以之

朱熹云以六五一爻之義釋卦辭內難謂為紂進

親在其國內如六五之近於上六也

家人女正位乎內男正位乎外男女正天地之大義也

王弼云家人之義以內為本故先說女也朱熹云以卦體六二九五釋利女貞之義

家人有嚴君焉父母之謂也

朱熹云亦謂二五

父父子子兄兄弟弟夫夫婦婦而家道正正家而天下定矣

朱熹云上父初子五三夫四二婦五兄三弟以卦

畫推之又有此象

睽火動而上澤動而下二女同居其志不同行

睽卦 圭反

上時掌反下 同下遐嫁反

朱熹云以卦象釋卦名義

說而麗乎明柔進而上行得中而應乎剛是以小事吉說音 悅

當睽離之時而有此三善故小事吉也朱熹云以卦德卦體釋卦辭純謂柔進而上行謂六五也

天地睽而其事同也男女睽而其志通也萬物睽而其事類也睽之時用火矣哉

此贊辭也

蹇難也險在前也見險而能止知矣哉

難乃且反知音智

朱熹云以卦德釋卦名義而贊其美

蹇利西南往得中也不利東北其道窮也利見大人往有功也當位貞吉以正邦也蹇之時用大矣哉

朱熹云以卦體釋卦辭而贊其時用之大也純謂

往得中謂九五其道窮謂九三

解險以動動而免乎險解

解音蟹

朱熹云以卦德釋卦名義

解利西南往得衆也其來復吉乃得中也有攸往夙

吉往有功也

以卦體釋卦辭往得衆謂九四出險而動就平易

衆之所歸也西南坤方坤爲衆也得中謂九二也

天地解而雷雨作雷雨作而百果草木皆甲坼解之

時大矣哉

坼勅宅及馬本陸績並作宅

此贊辭也甲孚甲也說文云坼裂也

損損下益上其道上行

上行時掌反

朱熹云以卦體釋卦名義

損而有孚元吉无咎可貞利有攸往曷之用二簋可用享二簋應有時損剛益柔有時損益盈虛與時偕

行

朱熹云此釋卦辭時謂當損之時純謂損剛謂損下卦之剛益柔謂益上卦之陰

益損上益下民說无疆自上下下其道大光

說音悅疆居良

反下同下上

退嫁反下如字朱熹云以卦體釋卦名義純謂自上下下謂九五

天應六二

利有攸往中正有慶利涉大川木道乃行

朱熹云以卦體卦象釋卦辭純謂中正謂二五木

道謂上巽下震皆木象也

益動而巽日進无疆天施地生其益无方凡益之道

與時偕行施始

天朱熹云動巽二卦之德乾下施坤上生亦上文卦

體之義又以此極言贊益之大

夬決也剛夬柔也健而說決而和

決古穴反說音悅

朱熹云釋卦名義而贊其德

揚于王庭柔乘五剛也孚號有厲其危乃光也告自

邑不利即戎所尚乃窮也利有攸往剛長乃終也長

及丈

朱熹云此釋卦辭柔乘五剛以卦體言謂以一小

人加于衆君子之上是其罪也剛長乃終謂一變

則為純乾也

始遇也柔遇剛也

始古豆反

朱熹云釋卦名

勿用取女不可與長也

取七任反舉正云勿用取上脫女壯字勿用取下誤增女

字

朱熹云釋卦辭

天地相遇品物咸章也

朱熹云以卦體言

剛遇中正天下大行也

因朱熹云指九五

始之時義大矣哉

女壯則不可取也天地相遇則品物化生是始遇

亦有時異義所以為大也

萃聚也順以說剛中而應故聚也

萃音悅

朱熹云以卦德卦體釋卦名義純謂剛中謂九五

應謂六二

王假有廟致孝享也利見大人亨聚以正也用大性

吉利有攸往順天命也

假庚白反舉正云利見大人亨利貞謹按彖舉繇辭脫利

字

朱熹云釋卦辭

觀其所聚而夫地萬物之情可見矣

此贊辭也天地萬物皆好聚而惡散也

柔以時升

柔指四五二陰爻而言此以卦體釋卦名義

巽而順剛中而應是以大亨

朱熹云以卦德卦體釋卦辭純謂剛中而應謂九

二應六五也

用見大人勿恤有慶也南征吉志行也

因剛揜也

揜又作掩於檢及虞本作弇

朱熹云以卦體釋卦名純謂剛揜者陽剛為陰柔

所揜也

險以說困而不失其所亨其唯君子乎貞大人吉以

剛中也有言不信尚口乃窮也

朱熹云以卦德卦體釋卦辭純謂剛中謂二五

巽乎水而上水井井養而不窮也

上時掌反

巽入也朱熹云以卦象釋卦名義

改邑不改井乃以剛中也汔至亦未繙井未有功也

羸其瓶是以凶也

汔許乾反繙音橘羸者隨反瓶白

喪无得往來井井兩句

孔穎達云不釋往來二德者无喪无得往來井井皆由以剛居中更无他義故不具舉經文也朱熹云以卦體釋卦辭无喪无得往來井井兩句意與不改井同故不復出剛中以二五而言未有功而敗其瓶所以凶也

革水火相息二女同居其志不相得曰革時二正朱熹云以卦象釋卦名義純謂息止息也兌水降下離火炎上水能滅火火能乾水是兩相止息也止息則改少女在上中女在下是雖同居而志不相得不相得則變生皆革之義也

己日乃孚革而信之文明以說大亨以正革而當其悔乃亡一本无之字說音悅當丁浪反

朱熹云以卦德釋卦辭

天地革而四時成湯武革命順乎天而應乎人革之時大矣哉

此贊辭也天地革以寒暑而言

鼎象也以木巽火亨飪也聖人亨以享上帝而大亨

以養聖賢

亨又作盲目普庚及下聖人亨大亨同飪而甚及享許兩反舉正云帝字下誤增而

大亨字

巽入也朱熹云以卦體二象釋卦名義因極其大

而言之享帝貴誠用犢而已養賢則獲殮牢禮當極其盛故曰大亨

巽而耳目聰明柔進而上行得中而應乎剛是以元亨上時掌及

朱熹云以卦象卦體釋卦辭純謂柔進謂離以陰卦在上也得中而應乎剛謂六五應九二也

震亨

孔穎達云但舉經而不釋名德所由者正明由懼得通故曰震亨更无他義或本无此二字而志不震來虩虩恐致福也笑言啞啞後有則也虩許逆及恐曲勇反

漸啞烏

朱熹云恐致福恐懼以致福也則法也

震驚百里驚遠而懼邇也出可以守宗廟社稷以為祭主也舉正云出字上脫不喪也

程頤朱熹皆以為出字上脫不喪也毫一句如郭京說是也朱熹云出謂繼世而主祭也或云出即毫字之誤

艮止也時止則止時行則行動靜不失其時其道光明

朱熹云此釋卦名艮之義則止也然行止各有其

時故時止而止止也時行而行亦止也艮體篤實故又有光明之義大畜於艮亦以輝光言之艮其止止其所也上下敵應不相與也是以不獲其身行其庭不見其人无咎也

朱熹云此釋卦辭易背為止以明背即止也背者止之所也以卦體言內外之卦陰陽敵應而不相與也不相與則內不見己外不見人而无咎矣晁說之云艮其止當依卦辭作背純謂背字從北肉恐北字訛為止而缺下肉王肅本作女歸吉利貞舉漸之進也女歸吉也正云女歸吉下誤增也字

王弼云之於進也孔穎達云釋卦名也朱熹云之字疑衍或是漸字

進得位往有功也進以正可以正邦也息而况於人進得位謂九五也進以正謂六三應九五也此釋卦辭利貞

其位剛得中也朱熹云以卦體言謂九五也止而巽動不窮也

朱熹云以卦德言漸進之義歸妹天地之大義也天地不交而萬物不興歸妹人

之終始也

朱熹云釋卦名義也歸者女之終生育者人之始

純謂而猶則也

說以動所歸妹也

說音悅一本作所以歸妹

朱熹云又以卦德言之

征凶位不當也元攸利柔乘剛也

朱熹云又以卦體釋卦辭純謂位不當謂二三四

五四爻也柔乘剛謂三五也

豐大也明以動故豐

朱熹云以卦德釋卦名義

王假之尚大也勿憂宜日中宜照天下也

假庚白反

朱熹云釋卦辭

日中則是月盈則食天地盈虛與時消息而况於人

乎况於鬼神乎

具如字孟本作稷

朱熹云此又發明卦辭外意言不可過中也

旅小亨柔得中乎外而順乎剛止而麗乎明是以小

亨旅貞吉也

朱熹云以卦體卦德釋卦辭純謂柔得中乎外指

六五而言

旅之時義大矣哉

朱熹云旅之時為難處

重巽以申命

重直龍反舉正云重巽以申命命乃行也謹括命乃行也一句誤入注純按注

謂王弼注

剛巽乎中正而志行柔皆順乎剛是以小亨利有攸往利見大人

朱熹云以卦體釋卦辭剛巽乎中正而志行指九

五柔謂初四

兌說也

說音悅下同

朱熹云釋卦名義

剛中而柔外說以利貞是以順乎天而應乎人說以

先民民忘其勞說以祀難民忘其死說之大民勸矣

哉先息薦及又如字難乃且及

朱熹云以卦體釋卦辭而極言之

渙亨剛來而不窮柔得位乎外而上同

此以卦體釋卦辭剛來謂九二柔得位謂六四上

同謂比九五

王假有廟王乃在中也

假庚白反

朱熹云中謂廟中

利涉大川乘木有功也

舉正云利涉大川下脫利貞字

此以象而言

節亨剛柔分而剛得中

朱熹云以卦體釋卦辭純謂剛柔分謂二體六爻陰陽各半也剛得中謂二五也

苦節不可貞其道窮也

言節之過苦人之所不能堪不可以為正是節道困窮也

說以行險當位以節中正以通

說音悅舉正云當位而節中正以通然後

乃亨也謹按然後乃亨也一句誤將入注純按注亦謂王弼注

朱熹云又以卦德卦體言之當位中正指五又坎為通

天地節而四時成節以制度不傷財不害民

此贊辭也

中孚柔在內而剛得中說而巽孚乃化邦也

說音悅

朱熹云以卦體卦德釋卦名義純謂柔在內謂三

四剛得中謂二五

豚魚吉信及豚魚也利涉大川乘木舟虛也

朱熹云以卦象言

中孚以利貞乃應乎天也

朱熹云信而正則應乎天矣

小過小者過而亨也

朱熹云以卦體釋卦名義與其辭

過以利貞與時行也柔得中是以小事吉也

舉正云柔得中

是以可小事也謹按是以下脫可字小事下誤增吉字

朱熹云以二五言

剛失位而不中是以不可大事也

朱熹云以三四言純謂剛謂三四也四失位三不

中

有飛鳥之象焉

程頤云此一句不類象體蓋解者之辭誤入彖中

天純謂此說是也

飛鳥遺之音不宜上宜下大吉上逆而下順也

上時掌及

下同下遐嫁及下同

朱熹云以卦體言

既濟亨小者亨也

舉正云亨小下脫小字

王弼云既濟者以皆濟為義者也小者不遺乃為

皆濟故舉小者以明既濟也朱熹云濟下疑脫小

未字

利貞剛柔正而位當也

朱熹云以卦體言純謂此言六爻位皆正當也

初吉柔得中也

朱熹云指六二

終止則亂其道窮也

終止謂以既濟為安而不知戒也

未濟亨柔得中也

朱熹云指六五言

小狐汔濟未出中也濡其尾无攸利不續終也雖不

當位剛柔應也

汔許訖反

未出中謂未出險中也不續終言力竭不能相續

而終涉川之功也王弼云位不當故未濟剛柔應

故可濟言不宜土宜不大吉土宜而不貞也

周易反正卷第五

日本信陽

太宰純撰

朱熹之象者卦之上下兩象及兩象之六爻

周公用繫之辭也既謂象傳亦孔子所作也

其釋一卦兩象者謂之大家釋六爻辭我者

謂之小象說見孔穎達疏

天行健君子以自強不息

孔穎達云行有運動之稱健者體性之名本意

周易反正卷第四終

終止則亂其道窮也

終止謂以既濟為安而不知戒也

未濟字未得中也

未熹云指六五言

小狐沈淪未出中也濡其尾无攸利不續終也雖不

當位剛柔應也

未出中謂未出險中也不續終言力竭不能相續

而終沈淪之功也王弼云位不當故未濟剛柔應

故可濟

周易及正卷第五

見說在自說也 日本 信陽 太宰純 撰

上象傳

終否象朱熹云象者卦之上下兩象及兩象之六爻

身是周公所繫之辭也純謂象傳亦孔子所作也

林其釋一卦兩象者謂之大家釋六爻辭義者

或謂皆謂之小象說見孔穎達疏

天行健君子以自彊不息

孔穎達云行者運動之稱健者彊壯之名朱熹云

天乾卦之象也凡重卦皆取重義此獨不然者天

彊古本作強同其
兩及舊讀如字非

一而已但言天行則見其一日一周而明日又一
周若重複之象非至健不能也純謂健者乾之德
也諸卦大象皆稱其卦名唯乾以德言者物之壯
健皆有衰怠唯天運行日過一度萬古以來未嘗
休息乾既象天故因稱其德以代乾之名亦所以
見異於他卦也一說健當為健乃古乾字未知是
否君子者有位者之通稱以者言君子觀卦象以
自制其行如之也彊勉彊也詩云豐豐文王是聖
人之自彊也

潛龍勿用陽在下也

釋初九朱熹云陽謂九下謂潛

見龍在田德施普也見賢遍及施始致及

釋九二普徧也

終日乾乾反復道也復若服反一本作覆

釋九三朱熹云反復重複踐行之意純謂反復道

者反復於道也

或躍在淵進无咎也

釋九四朱熹云可以進而不必進也

飛龍在天大人造也造劉歆父子作製

釋九五朱熹云造猶作也

九龍有悔盈不可久也

元苦浪反

釋上九天道虧盈何可久哉

用九天德不可為首也

朱熹云言陽剛不可為物先故六陽皆變而吉

地勢坤君子以厚德載物

朱熹云地坤之象亦一而已故不言重而言其勢

之順則見其高下相因之无窮至順極厚而无所

不載也純謂地勢坤言重而厚也故君子以之亦

厚德載物也

履霜堅冰陰始凝也剛致其道至堅冰也

剛似遵反舉正云陰

始凝也上誤增堅冰字純按

古本履霜堅冰下有至字

釋初六朱熹云按魏志作初六履霜今當從之剛

順習也孔穎達云剛猶狎順也若鳥獸馴狎然言

順其陰柔之道習而不已乃至堅冰也

六二之動直以方也不習无不利地道光也

王弼云動而直方任其質也

含章可貞以時發也或從王事知光大也

知音

釋六三經曰或從王事无成有終傳釋之曰或從

王事知光大也但舉經上句而略下句象傳多此

例

括囊无咎慎不害也

釋六四言能慎可以免害也

黃裳元吉文在中也

釋六五朱熹云文在中而見於外也

龍戰于野其道窮也

釋上六

用六永貞以大終也

朱熹云初陰後陽故曰大終

雲雷屯君子以經綸

屯張倫及綸陸德明作論音倫鄭如字一本作倫

朱熹云坎不言水而言雲者未通之意經綸治絲

之事經引之綸理之也屯難之世君子有為之時也

雖磐桓志行正也以貴下賤大得民也

下賤嫁反

釋初九志行正言非苟求宴安也貴謂陽賤謂陰

六二之難乘剛也十年乃字反常也

難乃且反

剛謂初

即鹿无虞以從禽也君子舍之往吝窮也

舍音捨舉正云何以

從禽也脫伺字

釋六三

求而往明也

釋六四王弼云見彼之情狀也

屯其膏施未光也施始

釋九五

泣血漣如何可長也連音

釋上六

山下出泉蒙君子以果行育德行下孟

朱熹云泉水之始出者必行而有漸也反下同

利用刑人以正法也

釋初六朱熹云發蒙之初法不可不正也純謂刑人正法之重者也

子克家剛柔接也

釋九二孔穎達云以陽居於卦內接待羣陰是剛

柔相接也

勿用取女行不順也取七

釋六三朱熹云順當作慎蓋順慎古字通用荀子

順墨作慎墨且行不慎於經意尤親切今當從之

困蒙之吝獨遠實也遠于

釋六四王弼云陽稱實也

童蒙之吉順以巽也

釋六五

利用禦寇上下順也

釋上九朱熹云禦寇以剛上下皆得其道

雲上於天需君子以飲食宴樂

上時掌反
樂音洛

朱熹云雲上於天无所復為待其陰陽之和而自
雨爾事之當需者亦不容更有所為但飲食宴樂
俟其自至而已一有所為則非需也

需于郊不犯難行也利用恒无咎未失常也

難乃
且反

釋初九

需于沙衍在中也雖小有言以吉終也

衍以
淺反

釋九二孔穎達云衍謂寬衍也朱熹云衍寬意以

寬居中不急進也

需于泥災在外也自我致寇敬慎不敗也

釋九三孔穎達云自由也朱熹云外謂外卦

需于血順以聽也

釋六四

酒食貞吉以中正也

釋九五

不速之客來敬之終吉雖不當位未大失也

釋上六王弼云處无位之地不當位者也朱熹云

以陰居上是為當位言不當位未詳純按傳文例

終吉下當有也字

天與水違行訟君子以作事謀始

朱熹云天上水下其行相違作事謀始訟端絕矣

不永所事訟不可長也雖小有言其辯明也

釋初六

不克訟歸而逋也自下訟上患至掇也

連補吳及竄七亂及掇都

活及鄭本作掇陟勿及

釋九二孔穎達云掇猶拾掇也朱熹云掇自取也

純謂患至掇謂禍患來至如拾掇也

食舊德從上吉也

釋六三朱熹云從上吉謂隨人則吉明自在事則

无成功也

復即命渝安貞不失也

釋九四

訟元吉以中正也

釋九五朱熹云中則聽不偏正則斷合理

以訟受服亦不足敬也

釋上九

地中有水師君子以容民畜衆

畜許六及

朱熹云水不外於地兵不外於民故能養民則可

以得衆矣

師出以律失律凶也

釋初六孔穎達云及經之文以明經義

在師中吉承天寵也王三錫命懷萬邦也

寵王肅作龍

釋九二

師或輿尸大无功也

釋六三

左次无咎未失常也

釋六四朱熹云知難而退師之常也

長子帥師以中行也弟子輿尸使不當也

長竹率使文反

釋六五使使令也

大君有命以正功也小人勿用必亂邦也

釋上六

地上有水比先王以建萬國親諸侯

比毗志反

建萬國親諸侯先王之事非凡君子所得為也故

言先王也後凡言先王者故此朱熹云地上有水

水比於地不容有間建國親侯亦先王所以比於

天下而无間者也

比之初六有它吉也

它湯何反

比之自內不自失也

不自失矣

釋六二朱熹云得正則不自失矣
比之匪人不亦傷乎

釋六三

外比於賢以從上也

釋六四賢謂五也

顯比之吉位正中也舍逆取順失前禽也邑人不戒
上使中也舍音捨

釋九五朱熹云由上之德使不偏也

比之无首无所終也

釋上六朱熹云以上下之象言之則為无首以終

始之象言之則為无終无首則无終矣

風行天上小畜君子以懿文德畜救六反

孔穎達云懿美也朱熹云風有氣而无質能畜而

不能久故為小畜之象懿文德言未能厚積而遠

施也

復自道其義吉也

釋初九

牽復在中亦不自失也

釋九二朱熹云亦者承上文義

夫妻反目不能正室也

釋九三

有孚惕出上合志也惕他歷反

釋六四上謂五上二爻

有孚攀如不獨富也攀力專反

釋九五

既雨既處德積載也君子征凶有所疑也處昌呂反

釋上九

上天下澤履君子以辨上下定民志

辨上下定民志者禮也先王制禮蓋取諸此故序

卦以履為禮禮者人之所履行也

素履之往獨行願也

釋初九履道惡華

幽人貞吉中不自亂也

釋九二中謂中德

眇能視不足以有明也跛能履不足以與行也啞人

之凶位不當也武人為于大君志剛也眇妙小反跛布火反啞大

告反

釋六三

愬愬終吉志行也愬山革反

釋九四

象謂大小者費直以後之事古所不謂也
孔穎達之說近非

夫履貞厲位正當也

釋九五朱熹云傷於所恃

元吉在上大有慶也

釋上九朱熹云若得元吉則大有福慶也

天地交泰后以財成天地之道輔相天地之宜以左

石民財音才苟本作裁相息亮反左音佐右音佑

孔穎達云后君也純謂天子諸侯通稱后財成輔

相者人君之事非凡君子所得為也故言后也始

卦放此朱熹云財成以制其過輔相以補其不及

拔茅征吉志在外也

釋初九外謂外卦

包荒得尚于中行以光大也

釋九二

无往不復天地際也

釋九三下卦之終天地交際之處也

翩翩不富皆失實也不戒以孚中心願也舉正云皆反實也及

誤作失字

釋六四朱熹云陰本居下在上為失實

以祉元吉中以行願也

釋六五

城復于隍其命亂也隍音皇

釋上六朱熹云命亂故復否告命所以治之也

天地不交否君子以儉德辟難不可榮以祿否備鄙友辟音

避難乃且反

儉謂不奢侈也通泰之世君子且不敢奢侈况否

塞之時尤宜尚儉德所以辟難也

拔茅貞吉志在君也

釋初六志在君謂順從上也

大人否亨不亂羣也

釋六二朱熹云言不亂於小人之羣

包羞位不當也

釋六三

有命无咎志行也

釋九四初應於四而志在君故四志得行也

大人之吉位正當也

釋九五

否終則傾何可長也

釋上九

天與火同人君子以類族辨物

王弼云天體在上而火炎上同人之義也朱熹云

類族辨物所以審異而致同也

出門同人又誰咎也

釋初九

同人于宗吝道也

釋六二

伏戎于莽敵剛也三歲不興安行也

釋九三敵謂九五也王弼云安辭也孔穎達云猶

言何也朱熹云言不能行也

乘其墉義弗克也其吉則困而反則也

釋九四朱熹云乘其墉矣則非其力之不足也特

以義之弗克而不攻耳能以義斷困而及於法則故吉也

同人之先以中直也大師相遇言相克也

釋九五同人之先者略號咷二字也直正也不曰

中正而曰中直悞韻也

同人于郊志未得也

釋上九

火在天上大有君子以遏惡揚善順天休命

朱熹云火在天上所照者廣為大有之象純謂遏

惡揚善順天休命所以保大有之道也

大有初九无交害也

交猶涉也

大車以載積中不败也

釋九二

公用亨于天子小人害也

亨許兩反

釋九二

匪其彭无咎明辨哲也

哲章古及王虞作晰同徐李之世反又作哲鄭本作遘云

讀如明星哲哲陸績作逝虞本作折

釋九四孔穎達云明猶才也朱熹云哲明貌

厥孚交如信以發志也威如之吉易而无備也

易以致反

釋六五朱熹云一人之信足以發上下之志也太

柔則人將易之而无畏備之志

大有上吉自天祐也

釋上九

地中有山謙君子以裒多益寡稱物平施

裒蒲侯反鄭本葛本

董本蜀才並作捋字書作培稱尺證反施始豉反

爾雅云裒聚也朱熹云以卑蘊高謙之象也裒多

益寡所以稱物之宜而平其施損高增卑以趣於

平亦謙之意也

謙謙君子卑以自牧也

牧音

釋初六王弼云牧養也

鳴謙貞吉中心得也

釋六二中心實謙也

勞謙君子萬民服也

釋九三

无不利撝謙不違則也

釋六四不違大臣之則也

利用侵伐征不服也

釋六五

鳴謙志未得也可用行師征邑國也

釋上六朱熹云陰柔无位才力不足故其志未得而至於行師然亦適足以治其私邑而已

雷出地奮豫先王以作樂崇德殷薦之上帝以配祖

考奮方同反殷京本作隱薦將電及一本作縻同

雷出地奮鼓動萬物先王作樂以崇高其德又以

享上帝馬融云殷盛也孔穎達云配祖考者謂以

祖考配上帝也

初六鳴豫志窮凶也

朱熹云窮謂滿極

不终日貞吉以中正也

不釋六二

盱豫有悔位不當也盱盱于反

釋六三

由豫大有得志大行也

釋九四

六五負疾乘剛也恒不死中未亡也

剛指九四

冥豫在上何可長也

釋上六

澤中有雷隨君子以嚮晦入宴息

嚮一本作向許亮及王肅作鄉音同

朱熹云雷藏澤中隨時休息

官有渝從正吉也出門交有功不失也

渝羊音同

釋初九

係小子弗兼與也

釋六二兼與猶言兩屬

係丈夫志舍下也

舍音捨

釋六三王弼云下謂初也

隨有獲其義凶也有孚在道明功也

釋九四明功者顯明其功也

孚于嘉吉位正中也

釋九五

拘係之上窮也

釋上六朱熹云窮極也

山下有風蠱君子以振民育德

王弼云蠱者有事而待能之時也故君子以濟民

養德也朱熹云山下有風物壞而有事矣而事莫

大於二者也純謂音德謂養有德之人也

幹父之蠱意承考也

釋初六考父也生日父死曰考此與下文協韻故

曰考也

幹母之蠱得中道也

釋九二

幹父之蠱終无咎也

釋九三

裕父之蠱往未得也

釋六四

幹父用譽承以德也

釋六五王弼云以柔處中不任威力也不事

不事王侯志可則也

釋上九

澤上有地臨君子以教思无窮容保民无疆思息更反疆居

反良

朱熹云地臨於澤上臨下也二者皆臨下之事教

之无窮者兌也容之无疆者坤也純謂保安也

咸臨貞吉志行正也

釋初九志行正謂初四正應皆得正位也

咸臨吉无不利未順命也

釋九二朱熹云未詳純謂二正應五故咸臨吉无

不利也然五君位若二感之而盡順其命則恐為

神阿順矣今二以剛中之德雖感之而未順命有獻

賢可替否之義所以不及初之貞吉也

甘臨位不當也既憂之咎不長也

釋六三能盡憂之則咎不長也

至臨无咎位當也

釋六四

大君之宜行中之謂也

釋六五

敦臨之吉志在內也

釋上六內指下二陽而言

風行地上觀先王以省方觀民設教

井觀官與及省悉及觀民如字

已下
並同

孔穎達云風主號令純謂省視也觀廣瞻也朱熹云省方以觀民設教以為觀

初六童觀小人道也

童觀所見狹小非君子之事故曰小人道也

闚觀女貞亦可醜也

釋六二朱熹云在丈夫則為醜也

觀我生進退未失道也

釋六三

觀國之光尚賓也

釋六四孔穎達云慕尚為王賓也純謂尚庶幾也

觀我生觀民也

釋九五民效上之所行者也

觀其生志未平也

釋上九志未平言自顧不安其行也

雷電噬嗑先王以明罰勅法

勅耻力反此俗字也字林作敕

朱熹云雷電當作電雷純謂則電之明以明罰則

雷之威以勅法

履校滅趾不行也

釋初九王弼云過止於此

噬膚滅鼻乘剛也

釋六二剛謂初也

遇毒位不當也

釋六三

利艱貞吉未光也

釋九四

貞厲无咎得當也

釋九五

何校滅耳聰不明也

釋上九

朱熹云滅耳蓋罪其聽之不聰也若能審

山聽而早圖之則无此凶矣

山下有火賁君子以明庶政无敢折獄

之吉

朱熹云山下有火明不及遠明庶政事之小者折

獄事之大者內離明而外艮止故取象如此

舍車而徒義弗乘也

釋初九朱熹云君子之取舍決於義而已

賁其須與上興也

釋六二

永貞之吉終莫之陵也

釋九三

六四當位疑也匪寇婚媾終无尤也

六四之下恐有闕文當位疑言四處當位與初為應以九三為之隔故疑也朱熹云終无尤謂若守

中正而不與亦无他患也

六五之吉有喜也

所以吉者受賁可喜也

白賁无咎上得志也

釋上九

山附於地剝上以厚下安宅

孔穎達云山本高峻今附於地即是剝落之象也
純謂上謂為上者也剝從下而起上之人當為
之防故不曰君子而曰上也厚下安宅皆所以防

剝也

剝牀以足以滅下也

釋初六剝牀以足是滅下也

剝牀以辨未有與也

釋六二朱熹云言未盛大

剝之无咎失上下也

釋六三朱熹云上下謂四陰

剝牀以膚切近災也下附四句

釋六四鄭玄云切急也終无尤也

以宮人寵終无尤也未盡入疑言四處當依與初為

釋六五尤過也故疑也朱熹云終无尤者謂若守

君子得輿民所載也小人剝廬終不可用也

釋上九終不可用指小人而言

雷在地中復先王以至日閉關商旅不行后不省方

省悉并及始不曰商旅不行曰土也學不字皆所以故

鄭玄云資貨而行曰商旅客也純謂后君也省視

也方四方也朱熹云安靜以養微陽也月令是月

齊戒淹身以待陰陽之所定

不遠之復以脩身也

釋初九

休復之吉以下仁也下選

釋六二

頻復之厲義无咎也

釋六三

中行獨復以從道也

釋六四

敦復无悔中以自考也

釋六五朱熹云考成也

迷復之凶及君道也

釋上六

天下雷行物與无妄先王以茂對時育萬物

舉正云音物物

上誤增萬字

王弼云與辭也猶皆也茂盛也孔穎達云對當也

言先王以此无妄盛事當其无妄之時育養萬物也

无妄之往得志也

釋初九

不耕獲未富也

釋六二朱熹云富如非富天下之富言非討其利而為之也

行人得午邑人災也

釋六三

可貞无咎固有之也

釋九四朱熹云有猶守也

无妄之藥不可試也

釋九五朱熹云既已无妄而復藥之則及為妄而生疾矣試謂少嘗之也純謂試猶用也

无妄之行窮之災也

釋上九

天在山中大畜君子以多識前言往行以畜其德畜

六及識音志劉本作志行下孟及

識記也德者得也必多識前言往行然後可以畜其德也

有厲利己不犯災也

釋初九

輿說輶中无尤也

說吐活及輶音服

釋九二尤過也

利有攸往上海志也

釋九三

六四无吉有喜也

防害於早而得吉可喜也

六五之吉有慶也

慶福慶也象意與四同

何天之衢道大行也

舉正云何天之衢亨脫亨字

釋上九

山下有雷頤君子以慎言語節飲食

下動而上止頤之象也古稱禍從口出疾從口入

朱熹云二者養德養身之切務

觀我朵頤亦不足貴也

朵多
果反

釋初九

六二征凶行失類也

朱熹云初上皆非其類也

十年勿用道大悖也

悖布
內反

釋六三拂頤於道大悖也

顛頤之吉上施光也

施始
致反

釋六四孔穎達云上謂四也

居貞之吉順以從上也

釋六五上謂上九也

由頤厲吉大有慶也

釋上九

澤滅木大過君子以獨立不懼遯世无悶

遯一本作
遁同後
遯

及悶門
遯反

朱熹云澤滅於木大過之象也不懼无悶大過之
行也

藉用白茅柔在下也

釋初六

先夫女妻過以相與也

釋九二過謂陽過也

棟撓之凶不可以有輔也

釋九三

棟隆之吉不撓乎下也

釋九四下謂初也

枯楊生華何可久也老婦士夫亦可醜也華音花

釋九五

過涉之凶不可咎也

釋上六

水洊至習次君子以常德行習教事

洊在薦反京本作臻干本作荐

行下孟反

劉表云洊仍也王弼云重險懸絕故水洊至也

謂脩德施教皆必重習然後熟而安之

習坎入坎失道凶也

釋初六

求小得未出中也

釋九二中謂險中也

來之坎坎終无功也

釋六三

樽酒簋二剛柔際也

陸德明本无貳字云一本更有貳字

釋六四晁說之朱熹皆從陸氏釋文本以貳字為
衍文純謂剛謂九五柔謂六四際交際也

坎不盈中未大也

釋九五朱熹云有中德而未大純謂五下无應與

故云然也

上六失道凶三歲也

失道者上六自為也

明兩作離大人以繼明照于四方

兩猶再也鄭玄云作起也純謂大人謂人君也繼

明照于四方人君之事非凡君子之事故言大人

履錯之敬以辟咎也

辟音避

釋初九

黃離元吉得中道也

釋六二

日昃之離何可久也

釋九三

突如其來如无所容也

釋九四朱熹云无所容言焚死棄也

六五之吉離王公也

離音麗鄭本作麗

孔穎達云以其所居在五離附於王公之位被象

釋九三朱熹云言亦者因前二爻皆欲動而云也
二爻陰躁其動也宜九三陽剛居止之極宜靜而
動可吝之甚也

貞吉悔亡未感害也憧憧往來未光大也憧昌容反又音童

釋九四朱熹云感害言不正而感則有害也孔穎
達云非感之極不能无思无欲故未光大也

咸其脢志末也脢莫曰反

釋九五孔穎達云末猶淺也朱熹云志末謂不能

感物

咸其輔頰舌滕口說也滕徒登反九家作衆虞本作勝說如字

釋上六孔穎達云滕競與也鄭玄又作勝勝逆也

天朱熹云滕騰通用純謂朱說逆是

雷風恒君子以立不易方

雷風相與恒久之道也立不易方君子恒久之道

也

浚恒之凶始求深也

釋初六

九二悔亡能久中也

唯能久於中是以悔亡

不恒其德无所容也

不釋九三孔穎達云不恤之人所往之處皆不納之
久非其位安得會也

釋九四以陽居陰故曰非其位也

婦人貞吉從一而終也夫子制義從婦凶也

釋六五貞謂守正不變也在婦人則吉丈夫有不

必然

振恒在止大无功也

雷釋上六

天下有山遯君子以遠小人而嚴

遠于萬反
惡如字

孔穎達云山者陰類進在天下即是山勢欲上逼

於天天體高遠不受於逼是遯辟之象純謂不惡

者待之以禮也嚴者所以防其陵犯也

遯尾之厲不往何災也

釋初六孔穎達云何災猶言无災也

執用黄牛固志也

釋六二固其遯辟之志也

係遯之厲有疾憊也畜臣妾吉不可大事也

憊備拜
反王肅

作熒荀
本作備

釋九三

君子好遯小人否也

好呼報反
否有反

釋九四否鄭玄王肅並讀為否塞之否王弼讀為
臧否之否朱熹讀如字在經文則朱讀似是在傳
文協上下韻則鄭氏二王似是未詳孰是
嘉遯貞吉以正志也

釋九五其與利也志也在婦人則吉丈夫有不

肥遯无不利无所疑也

釋上九其與利也志也在婦人則吉丈夫有不

雷在天上大壯君子以非禮弗履

天王弼云剛以動也純謂大壯之時君子慎禮

壯于趾其孚窮也

釋初九朱熹云言必窮困

九二貞吉以中也

大壯六爻此為最吉

小人用壯君子罔也

釋九三朱熹云小人以壯敗君子以罔困

藩決不羸尚往也

釋九四孔穎達云尚庶幾也純謂尚上通

喪羊于易位不當也喪息浪反易以豉反鄭音亦舉
正云喪牛于易牛字誤寫羊字

釋九五

不能退不能遂不詳也艱則吉咎不長也詳鄭玄王
肅並作祥

釋上九孔穎達云祥者善也

明出地上晉君子以自昭明德

朱熹云昭明之也

晉如摧如獨行正也裕无咎未受命也

釋初六朱熹云初居下位未有官守之命

受茲介福以中正也

釋六二

衆允之志上行也上時掌友

釋六三

鼫鼠貞厲位不當也鼫音石

釋九四明出地上

失得勿恤往有慶也易知錄云物而行有恆則行

釋六五失得无恤者委任於人不問其失得也如

是則有福慶也

維用伐邑道未光也

釋上九剛進伐邑雖吉然其道則未光大也

明入地中明夷君子以莅衆用晦而明莅音利又音類

王弼云藏明於内乃得明也純謂用晦者不作聰

明也

君子于行義不食也

釋初九

六二之吉順以則也

王弼云順之以則故不見疑

南得之志乃大得也

釋九三王弼云去闇主也

入于左腹獲心意也

釋六四

箕子之貞明不可息也

釋六五孔穎達云息滅也

初登于天照四國也後入于地失則也

釋上六朱熹云照四國以位言

風自火出家人君子以言有物而行有恒

風自火出自內達外家人之道似之物事也君子

脩身在慎言行脩身所以風化國人也

閑有家志未變也

釋初九朱熹云志未變而豫防之

六二之吉順以巽也

王順者六之性也

家人嗃嗃未失也婦子嘻嘻失家節也

釋九三

嗃呼落反
嘻嘻其反

富家大吉順在位也

釋六四位謂臣位

王假有家交相愛也

釋九五上下交相愛也

成如之吉反身之謂也

釋上九朱熹云謂非作威也反身自治則人畏服

之矣

上火下澤睽君子以同而異

朱熹云二卦合體而性不同

見惡人以辟咎也

釋初九

遇主于巷未失道也

釋九二朱熹云本其正應非有邪也

見輿曳位不當也无初有終遇剛也

釋六三剛謂上九也

交孚无咎志行也

釋九四

厥宗噬膚往有慶也

釋六五往與九二合而有福慶也

遇雨之吉羣疑亡也

釋上九陰陽和而雨羣疑消亡亦猶是也

山上有水蹇君子以及身脩德舉正云正身脩德正誤作反字

王弼云山上有水蹇難之象純謂及身脩德處蹇

難之道也

往蹇來譽宜待也

釋初六言宜待時也

王臣蹇蹇終无尤也

釋六二朱熹云事雖不濟亦无可尤

往蹇來反内喜之也舉正云往蹇來正正字誤作反字

釋九三内謂下卦九三一陽下卦之主内之所恃

故喜之也

往蹇來連當位實也

釋六四孔穎達云六四得位履正當其本實而往

來遇難者乃數之所招來非邪妄之所致也

大蹇朋來以中節也

釋九五孔穎達云得位居中不易其節故致朋來

也

往蹇來碩志在内也利見大人以從貴也

釋上六志在内謂應在三也貴謂九五也

雷雨作解君子以赦過宥罪解音蟹

彖傳曰天地解而雷雨作孔穎達云赦謂放免過
謂誤失宥謂寬宥罪謂故犯

剛柔之際義无咎也

釋初六剛柔謂初四際交際也王弼云義猶理
也

九二貞吉得中道也

居不當位唯其得中是以貞吉

負且乘亦可醜也自我致戎又誰咎也

釋六三

解而拇未當位也拇茂
后反

六釋九四四有解其拇者已不當位故也

君子有解小人退也

釋六五小人退君子有解之驗也

公用射隼以解悖也射食亦反
悖布內反

釋上六悖逆也謂六三也

山下有澤損君子以懲忿窒欲懲直升反蜀才作澄
忿芳粉反窒珍栗反

鄭本劉本並作愷孟本作
怪陸績作瘠欲孟本作浴

孔穎達云澤卑山高似澤之自損以崇山之象也

懲止也窒塞也朱熹云君子修身所當損者莫切

於此

已事適往尚合志也

適市專及

釋初九孔穎達云尚庶幾也所以竟事速往庶幾與上合志也朱熹云尚上通純謂二說皆通

九二利貞中以為志也

剛中守志也

一人行三則疑也

釋六三

損其疾亦可喜也

釋六四

六五元吉自上祐也

孔穎達云上謂天也

弗損益之大得志也

釋上九不費之惠民被其澤廣矣是上大得志也

風雷益君子以見善則遷有過則改

朱熹云風雷之勢交相助益王弼云遷善改過益

莫大焉

元吉无咎下不厚事也

釋初九孔穎達云厚事猶大事也朱熹云下本不

當任厚事故不如是不足以塞咎也

或益之自外來也

釋六二朱熹云或者衆无定主之辭

益用凶事固有之也

釋六三朱熹云益用凶事欲其困心衡慮而固有

示之也

告公從以益志也

告古毒反

釋六四王弼云志得益也

有孚惠心勿問之矣惠我德大得志也

釋九五

莫益之偏辭也或擊之自外來也

釋上九孔穎達云此有求而彼不應是偏辭也怨

者非一不待召也故曰自外來也

澤上於天夫君子以施祿及下居德則忌

施始致反

朱熹云澤上於天潰決之勢也施祿及下潰決之

意也居德則忌未詳純按王注忌禁也法明斷嚴

不可以慢故居德以明禁也雖如祖通要之居德

則忌不成語也不若闕疑

不勝而往咎也

釋初九王弼云不勝之理在往前也

有戎勿恤得中道也

釋九二

君子夬夬終无咎也

釋九三

其行次且位不當也聞言不信聰不明也

次七私反且七餘反

釋九四孔穎達云聰聽也

中行无咎中未光也

釋九五以其中行僅得无咎而已是中行猶未光

大也

无號之凶終有可長也

號戶羔反

釋上六孔穎達云長延也凶危若此非號咷所能

延也

天下有風始后以施命誥四方

誥古報反鄭作誥起一反王肅同

孔穎達云風行天下无物不遇故為遇象純謂后

君也施命誥四方者宣布號令也是人君之事故

稱后也

繫于金柅柔道牽也

柅女履反

釋初六朱熹云牽進也以其進故止之

包有魚義不及賓也

釋九二

其行次且行未牽也

次七私反且七餘反

釋九三

无魚之凶遠民也遠于萬及

其釋九四民謂初也朱熹云民之去已猶已遠之

九五含章中正也有隕自天志不舍命也舍音捨

志不舍命者待天命也

始其角上窮吝也

釋上九

澤上於地萃君子以除戎器戒不虞上時掌及除一本作錯又作治

荀本作慮

澤上於地則水潦聚矣王弼云聚而无防則衆生

天心也孔穎達云除者治也朱熹云除者修而聚之

之謂純謂虞度也

乃亂乃萃其志亂也

釋初六疑其所萃是其志亂也

引吉无咎中未變也

釋六二

往无咎上巽也

釋六三上六兌說之極故曰上巽也

大吉无咎位不當也

釋九四

萃有位志未光也

釋九五朱熹云未光謂匪字

齋咨涕洟未安上也

齋將也及涕音體洟他震反又音夷

釋上六未安於上位也

地中生木升君子以順德積小以高大

順如字王肅曰一本作慎

德姚本作得以高大一本作以成高大

孔穎達云地中生木始於細微以至高大故為升

象也純按順字一本作慎見陸氏釋文朱熹以為

古字通用當從之是也

允升大吉上合志也

釋初六上謂九二九三也

九二之孚有喜也

薄祭而神享之可喜也

升虛邑无所疑也

釋九三王弼云往必得邑

王用亨于岐山順事也

亨許兩反

釋六四朱熹云以順而升登祭于山之象

貞吉升階大得志也

釋六五

冥升在上消不富也

釋上六王弼云勞不可久也

澤无水困君子以致命遂志

朱熹云水下漏則澤上枯故曰澤无水純謂致命

謂致君命於人也論語曰見危授命致命即授命

也

入于幽谷幽不明也

舉正云不明字上誤增幽字

王釋初六孔穎達云象辭惟釋幽字言幽者正是

明之辭也

困于酒食中有慶也

釋九二中謂中行也

據于蒺藜乘剛也入于其宮不見其妻不祥也

釋六三剛謂九二也孔穎達云祥善也吉也

來徐徐志在下也雖不當位有與也

釋九四下謂初也

劓剛志未得也乃徐有說以中直也利用祭祀受福

也劓魚器反刑音月說音悅

釋九五

困于葛藟未當也動悔有悔吉行也

釋上六王弼云所處未當故致此困也

木上有水井君子以勞民勸相

勞力報反相息亮反

孔穎達云木上有水則是上水之象所以為井也

王弼云相猶助也朱熹云勞民者以君養民勸相

者使民相養皆取井養之義

井泥不食下也舊井无禽時舍也泥乃計反舍音捨

困釋初六朱熹云言為時所棄

井谷射鮒无與也射食亦反鮒音付

釋九二

井渫不食行惻也求王明受福也渫息列反惻初力反

釋九三朱熹云行惻者行道之人皆以為惻也

井甃无咎脩井也甃側舊反

釋六四

寒泉之食中正也

釋九五

无吉在上大成也

釋上六井功大成也

澤中有火革君子以治歷明時

孔穎達云火在澤中二性相違必相改變故為革

象也純謂歷貴隨時改之所以明時也

鞶用黃牛不可以有為也鞶九勇反

釋初九

己日革之行有嘉也

釋六二

革言三就又何之矣

釋九三朱熹云言已審

改命之吉信志也

釋九四王弼云信志而行

大人虎變其文炳也

炳共領反

釋九五孔穎達云文章炳著也

君子豹變其文蔚也小人革面順以從君也

蔚音尉又紆弗

反說文作斐

釋上六廣雅云蔚茂也

木上有火鼎君子以正位凝命

凝魚承反翟本作擬

孔穎達云以木巽火有亨飪之象所以為鼎也純

按雜卦鼎取新也鼎新之時不可不以正位凝命

也凝成也

鼎顛趾未悖也利出否以從貴也

悖布內反出尺遂反又如字否音鄙

釋初六王弼云倒趾以寫否故未悖也孔穎達云

舊撤也新貴也棄舊納新所以從貴也

鼎有實慎所之也我仇有疾終无尤也

釋九二王弼云有實之鼎不可復有所取才任己

極不可復有所如也孔穎達云之往也自此已往

所宜慎之也五既有乘剛之疾不能加我則我終无尤也

鼎耳革失其義也

釋九三孔穎達云失其虛中納受之義也

覆公餗信如何也

餗送鹿反

釋九四朱熹云言失信也

鼎黃耳中以爲實也

釋六五

玉鉉在上剛柔節也

鉉玄典反

釋上九剛柔節言以陽居陰也

洊雷震君子以恐懼脩省

洊在薦反恐匡勇反下同省悉井反

孔穎達云洊者重也因仍也雷相因仍乃爲威震也純謂君子畏天之威故恐懼脩省

震來虩虩恐致福也笑言啞啞後有則也

虩許逆反啞烏客反

釋初九

震來厲乘剛也

釋六二剛謂初九也

震蘇蘇位不當也

釋六三

震遂泥未光也

泥乃計反

釋九四

震往來厲危行也其事在中大无喪也喪息浪反

釋六五

震索索中未得也雖凶无咎畏鄰戒也索索洛反

釋上六朱熹云中謂中心純謂畏鄰戒者懼鄰而自戒備也

兼山艮君子以思不出其位

孔穎達云兩山兼重謂之兼山純謂思不出其位者取止之義也

艮其趾未失正也

釋初六言所以利永貞

不極其隨未退聽也極之廢反

釋六二孔穎達云聽從也朱熹云三止乎上亦不肯退而聽乎二也

艮其限危熏心也

釋九三

艮其身止諸躬也

釋六四王弼云自止其躬不分全體

艮其輔以中正也

釋六五王弼云能用中正故言有序也朱熹云正

字衍文協韻可見
敦艮之吉以厚終也

釋上九

山上有木漸君子以居賢德善俗

舉正云善風俗
謹按悅風字

孔穎達云木生山上因山而高非是從下忽高故

是漸義也朱熹云二者皆當以漸而進疑賢字衍

或善下有脫字

小子之厲義无咎也

釋初六

飲食衎衎不素飽也

衎苦
且反

釋六二朱熹云素飽如詩言素餐得之以道則不
為徒飽而處之安矣

夫征不復離羣醜也婦孕不育失其道也利用禦寇

順相保也

離力智反
孕以證反

釋九三孔穎達云醜類也言三與初二雖有陰陽

之殊同體艮卦故謂之羣醜也純謂保安也言六

四以巽順與己比和相安三是以利禦寇也

或得其柙順以巽也

柙音
角

釋六四孔穎達云四雖乘三體巽而下附三雖被
乘上順而相保所以六四得其安柙由順以巽也

終莫之勝吉得所願也

釋九五得所願謂得與二合也

其羽可用為儀吉不可亂也

釋上九朱熹云漸進愈高而不為无用其志卓然

豈可得而亂哉

澤上有雷歸妹君子以永終知敝

敝陸德明作弊同婢世反

朱熹云雷動澤隨歸妹之家君子觀其合之不正

知其終之有敝也

歸妹以娵以恒也跛能履吉相承也

娵大計反跛布火反

釋初九孔穎達云妹而為娵恒久之道也行得其

宜是相承之吉也

利幽人之貞未變常也

釋九二孔穎達云九二失位嫌其變常不貞也能

以履中不偏故云未變常也

歸妹以須未當也

釋六三孔穎達云未當其時故宜有待也

愆期之志有待而行也

釋九四

帝乙歸妹不如其娵之袂良也其位在中以貴行也

袂彌世反

釋六五朱熹云以其有中德之貴而行故不尚飾

上六无實承虛筐也

筐曲王反

孔穎達云空无所存也

雷電皆至豐君子以折獄致刑

折之古反下同

朱熹云取其威照並行之象

雖旬无咎過旬災也

釋初九旬均也謂初四俱陽也

有孚發若信以發志也

釋六二

豐其沛不可大事也折其右肱終不可用也

沛蒲貝反肱古

其亦以對之其與不其美其少

釋九二

豐其部位不當也日中見斗幽不明也遇其夷主吉

行也

舉正云遇其夷主吉志行也謹按脫志字

釋九四郭京以為吉下脫志字吉字屬上為句乃

經文也是也志行者四與初同德相遇而其志行

也

六五之吉有慶也

在位來章故有福慶

豐其屋天際翔也闕其戶闐其無人自藏也

闐苦反

釋上六孔穎達云如鳥之飛翔於天際言隱翳之深也朱熹云藏謂障蔽

山上有火旅君子以明慎用刑而不留獄

孔穎達云火在山上逐草而行勢不久留故為旅象朱熹云慎刑如山不留如火勢壯而無志

旅瑣瑣志窮災也

瑣悉果反

釋初六孔穎達云志意窮困自取此災也

得童僕貞終无尤也

釋六二

旅焚其次亦以傷矣以旅與下其義喪也

喪息浪反下同

釋九三孔穎達云失其所安亦可悲傷也朱熹云

以旅之時與下之道如此義當喪也

旅于處未得位也得其資斧心未快也

釋九四

終以譽命上逮也

釋六三孔穎達云逮及也朱熹云上逮言其譽命

聞於上也

以旅在上其義焚也喪牛于易終莫之聞也

易以鼓反又音

新釋上九

隨風巽君子以申命行事

孔穎達云兩風相隨故曰隨風風既相隨物无不

隨故曰隨風巽風之隨至非是令初故君子則之

以申命行事也朱熹云隨相繼之義

進退志疑也利武人之貞志治也云云

釋初六

紛若之吉得中也

釋九二

頻巽之吝志窮也

釋九三

田獲三品有功也

釋六四

九五之吉位正中也

以九居五正中也

巽在牀下上窮也喪其資斧正乎凶也

喪息浪反

釋上九朱熹云正乎凶言必凶純謂此釋經貞凶

凡言貞凶者可以例推

麗澤兌君子以朋友講習

王弼云麗猶連也孔穎達云兩澤相連潤說之盛

故曰麗澤兌也朱熹云兩澤相麗互相滋益朋友

講習其象如此
和兌之吉行未疑也

釋初九朱熹云居卦之初其說也正未有所疑也

孚兌之吉信志也

釋九二王弼云其志信也

來兌之凶位不當也

釋六三

九四之喜有慶也

能除其疾故有福慶也

享于剝位正當也

釋九五王弼云以正當之位信於小人而疏君子

故曰位正當也

上六引兌未光也

孔穎達云經无古文以其道未光故也

風行水上渙先王以享于帝立廟

風吹水則水渙散帝上帝也廟祖廟也朱熹云二

者皆所以合其散也

初六之吉順也

能順九二也

渙奔其机得願也

釋九二

渙其躬志在外也

釋六三外謂上九

渙其羣元吉光大也

釋六四

王居无咎正位也

釋九五

渙其血遠害也

遠于萬反

釋上九

澤上有水節君子以制數度議德行

行下孟反

孔穎達云水在澤中乃得其節數度謂尊卑禮命

其之多少德行謂人才堪任之優劣

不出戶庭知通塞也

釋初九通塞者時也

不出門庭凶失時極也

釋九二孔穎達云極中也

不節之嗟又誰咎也

釋六三朱熹云此无咎與諸爻異言无所歸咎也

安節之亨承上道也

釋六四上謂五也

甘節之吉居位中也

釋九五孔穎達云居尊位而得中也

苦節貞凶其道窮也

釋上六

澤上有風中孚君子以議獄緩死

朱熹云風感水受中孚之象議獄緩死中孚之意

初九虞吉志未變也

不應六四之志未變也

其子和之中心願也

和胡
卦反

釋九二

或鼓或罷位不當也

釋六三

馬匹亡綬類上也

上時
掌反

釋六四王弼云類謂三也

有孚攣如位正當也

攣力
專反

釋九五

翰音登于天可可長也

釋上九

山上有雷小過君子以行過乎恭喪過乎哀用過乎

儉

行下
孟反

朱熹云山上有雷其聲小過三者之過皆小者之過可過於小而不可過於大可以小過而不可甚過象所謂可小事而宜下者也

飛鳥以凶不可如何也

釋初六 不及其君臣不可過也

釋六二朱熹云所以不及君而還遇臣者以臣不

可過故也

從或戕之凶如何也

戕在良反

釋九三

弗過遇之位不當也往厲必戒終不可長也

釋九四終不可長言勿用永貞也

密雲不雨已上也

上如字又時掌反鄭本作尚

釋六五朱熹云已上太高也

弗遇過之已亢也

九若浪反

釋上六亢亢極也

水在火上既濟君子以思患而豫防之

孔穎達云水在火上炊爨之象飲食以之而成既

濟之道初吉終亂故君子思其後患而豫防之

曳其輪義无咎也

釋初九

七日得以中道也

釋六二

三年克之億也并億蒲反

釋九三孔穎達云以衰億之故三年乃克之

終日戒有所疑也

釋六四孔穎達云所以終日戒以不與三五相得

懼其侵克有所疑故也

東鄰殺牛不如西鄰之時也實受其福吉大來也

釋九五

濡其首厲何可久也

釋上六

火在水上未濟君子以慎辨物居方

孔穎達云火在水上不成烹飪未能濟物朱熹云

水火異物各居其所故君子觀象而審辨之

濡其尾亦不知極也

釋初六朱熹云極字未詳考上下韻亦不叶或恐

是敬字今且闕之

九二貞吉中以行正也

孔穎達云雖不正以其居中故能行正也

未濟征凶位不當也

釋六三

貞吉悔亡志行也

釋九四

君子之光其暉吉也

暉許歸反
字又作輝

釋六五孔穎達云言君子之德光暉著見然後乃

得吉也朱熹云暉者光之散也

飲酒濡首亦不知節也

釋上九

周易反正卷第六終

